

Islamska zajednica u Bosni i Hercegovini
Muftijstvo zeničko
Medžlis Islamske zajednice Zenica

BISMILLAHIRRAHMANIRRAHIM

Pitanja iz Ilmihala 1

(Prvi (I) nivo)

Treći razred

**Medžlisa Islamske zajednice Zenica
u mektebskoj 1443. h.g. - 2021/2022. godini**

Ševval / zul kade 1443. h. g. /maj /jun 2022. g.

Pitanja iz Ilmihala 1

(Prvi (I) nivo)

Treći razred

1. Šta znače sljedeći Islamski pojmovi?

- BISMILLAH – u ime Allaha, kad nešto radimo
- INŠALLAH – ako Bog da, kad se nečemu nadamo
- MAŠALLAH – što hoće Allah , kad se divimo
- SUBHANALLAH – slava Allahu, kad smo oduševljeni i kad se čudimo
- EL-HAMDULILLAH – hvala Allahu, u svakoj prilici
- JERHAMUKELLAH – Allah ti se smilovao, kada čujemo da je neko kihnuo
- JA ALLAH – o Allahu, kada smo u bolu i nevolji
- ESTAGFIRULLAH – oprosti mi allahu, kada se kajemo za loše djelo
- NE'UZUBILLAHI – tražimo zaštitu od Allaha kada ukazujemo na nešto ružno

2. Nabroj muslimanske praznike - mubarek dane?

Četiri su praznika ili mubarek dana u islamskom kalendaru:

- 1. muharrem – NOVA HIDŽRETSKA GODINA
- 12. rebiu-l-evvel – ROĐENJE MUHAMMEDA A.S. (MEVLUD)
- 1.2.3.ševval – RAMAZANSKI BAJRAM
- 10.11.12.13. zu-l-hidže – KURBAN (HADŽIJSKI) BAJRAM

3. Kad se obilježava RAMAZANSKI BAJRAM?

Ramazanski bajram obilježava se 1. 2. i 3. dana mjeseca ševvala.

Drugi dan ramazanskog bajrama je DAN ŠEHIDA.

Bajram se čestita riječima BAJRAM ŠERIF MUBAREK OLSUN, a odgovara ALLAH RAZI OLSUN

4. Kad se obilježava KURBAN-BAJRAM i koliko traje?

Kurbanski bajram traje 4 dana, (10.11.12. i 13. dan mjeseca ZUL-HIDŽETA)

5. Kako se još naziva kurbanski bajram?

Naziva se i hadžijski bajram jer se tada obavlja hadž.

6. Šta se kolje za kurban?

Za kurban se može zaklati DEVA ILI GOVEČE (najviše za 7 osoba ili porodica) ili bravče (ovca ili koza za jednu porodicu)

7. Kako se dijeli kurbansko meso?

Kurbansko meso se dijeli na tri dijela:

- Jedna trećina može se ostaviti za sebe
- Jedna trećina siromašnim
- Jedna trećina komšijama, rodbini i prijateljima.

8. Šta je pohvalno uraditi za bajram?

- Očistiti i uljepšati kuću, džamiju i okolinu
- Proučiti nešto pred duše svojih najmilijih
- Okupati se i namirisati
- Obući najljepšu svečanu odjeću
- Poraniti u džamiju na sabah namaz
- Učiti tekbire i podjeliti sadaku
- Podjeliti radost Bajrama sa drugima
- Darovati bajramske darove
- Pripremati jela i kolače
- Posjetiti svoje najbliže, komšije, rodbinu i prijatelje

9. Kada se obilježava nova hidžretska godina!

Nova muslimanska- hidžretska godina obilježava se 1. MUHARREMA i ona se računa od HIDŽRE.

10. Šta je HIDŽRA i kad se desila?

Hidžra je preseljenje Muhammeda, a.s., i ashaba iz Mekke u Medinu. Ona se desila 622. Godine. Od tog događaja muslimani računaju svoj kalendar.

11. Koliko mjeseci ima hidžretska godina i koji su?

Hidžretska godina ima 12 mjeseci i to:

1. Muharrem, 2. safer, 3. rebiu-l-evvel, 4. rebiu-l-ahir, 5. džumade-l-ula, 6. džemade-l-uhra, 7. redžeb, 8. šaban, 9. ramazan, 10. ševval, 11. zu-l-kade, 12. zu-l-hidže.

12. Šta je mevlud?

Mevlud je dan u kojem se radujemo rođenju najodabranijeg i posljednjeg Allahovog poslanika Muhammeda a.s. On je rođen 12.rebiu-l-evvela, 571.god. u gradu Mekki. Na dan rođenja učimo mevlud – spjev o poslanikovom životu.

13. Kako se klanja sabah-namaz?

To je namaz koji klanjamo od zore do izlaska sunca. Ima 4 rekata, 2 suneta i 2 farza. Sunnet se zanijeti ovako: Nevejtu en usallije lillahi teala salate SUNNETIL FEDŽRI (kod farza se zanijeti FARDIL FEDŽRI) edaen mustakbilel kibleti Allahu ekber

1. Subhaneke, euza, bismilla, fatiha i sura
2. Bismilla, fatiha, sura
 - Etehijatu, salavati, dove i predamo selam.

Farz se klanja isto kao sunnet samo je razlika u nijjetu.

14. Kako se klanja akšam-namaz?

To je namaz koji klanjamo od zalaska sunca do potpunog smračenja. Ima 5 rekata, 3 farza i 2 sunneta. Farz se zanijeti ovako: Nevejtü en usallije lillahi teala salate fardil-magribi edaen mustakbilel kibleti Allahu ekber

1. Subhaneke, euza, bismilla, fatiha, sura
2. Bismilla, fatiha, sura
 - Etehijatu
3. Bismilla, fatiha
 - Etehijatu, salavati, dove i predamo selam

Sunnet se zanijeti ovako: Nevejtü en usallije lillahi teala salate sunnetil magribi edaen mustakbilel kibleti Allahu ekber

1. Subhaneke, euza, bismilla, fatiha, sura
2. Bismilla, fatiha, sura
 - Etehijatu, salavati, dove i predamo selam